

O Filifiliga mo le Faavavau, Vaega 1



O lo'u faamoemoega i le po nei o le faamautinoa lea ua lautele lau vaai i le upumoni e faapea, o lenei olaga e moni lava o le taimi lea e te filifili ai po o le a le ituaiga o olaga e te manao e ola ai e faavavau. O *lou taimi* lenei "e saunia ai e fetaiai ma le Atua" [tagai Alema 12:24; 34:32]. . . .

O filifiliga amiotonu uma e te faia iinei o le a e matua manuia ai i le taimi nei. Ae o filifiliga amiotonu i le olaga nei o le a matua manuia ai e faavavau i mea e lei mafauina. Afai e te filifili e osia ni feagaiga ma le Atua ma faamaoni i na feagaiga, e te maua le folafolaga o le "mamalu o le a faaopoopo i luga o [o outou ulu] e faavavau ma faavavau lava" [Aperaamo 3:26]. . . .

loe, o le fili e le manao ia e mafau mo a taeao, faapena foi le ola e faavavau. Ae faamolemole, aua nei le iloa pe faatalale foi i avanoa ma luitau o le olaga nei. I lena agaga, e manaomia ona e malamalama i upumoni faavae e tolu o le a fesoasoani ia te oe ia saunia ai lou ala i le lumanai: . . .

Muamua: ia iloa le upumoni po o ai oe. Ou te talitonu ana faapea o loo fetalai tuusao atu le Alii ia te oe i le po nei, o le mea muamua lava Na te faamautinoa ua e malamalama i ai o lou faasinomaga moni. A'u ou pele, o outou moni lava o fanau agaga a le Atua. Sa outou pepese lava i lenei upumoni talu ina outou iloa upu o le "O le Atua lo'u Tama." [Viiga, no.184]. Ae pe ua tusia ea lena upumoni e faavavau i lou loto? Pe na laveaiina ea oe e lenei upumoni ina ua oulua fetaiai ma se faaosoosoga?

Ou te popole lava i lo outou faafofoga soo i lenei upumoni ua foliga mai ua na o se faaupuga nai lo o se upumoni paia. Ae, o le auala e te mafau ai po o ai moni oe e aafia ai toetoe o faaiuga uma e te faia. . . .

. . . *O ai oe?*

O le mea muamua lava ma le sili, o oe o se atalii ma se afafine o le Atua.

Lua, i le avea ai ma se tagata o le Ekalesia, o oe o se tama o le feagaiga. Ma le tolu, o oe o se so'o o Iesu Keriso.

O le po nei, ou te augani atu ia te outou e 'aia ne'i *suitulagaina* nei faailoga silisili e tolu ma le masuia i soo se mea lava, ona o le faia o lena mea o le a taofia ai lou alualu i luma pe tuu ai oe i se tulaga le talafeagai e ono taofia ai lou alualu i luma e faavavau. . . .

O le mea moni, o loo i ai ni igoa valaau eseese atonu e taua tele ia te outou. Faamolemole aua ne'i malamalama sese mai ia te au. Ou te le o fai atu o isi faailoga ma igoa e iloa ai e le taua. E faigofie lava lau tala e leai se faailoga e tataua ona *aveesea, suitulaga*, pe *faamuamua foi i lo* nei faailoga tumau e tolu: "atalii/afafine o le Atua," "tama o le feagaiga," ma le "soo o Iesu Keriso."

Soo se igoa e iloa ai outou e le ogatusa ma nei faailoga autu e tolu o le a iu lava ina latou faatoilaloina outou. O isi igoa valaau o le a tou le fiafia ai i se taimi ona e le o ia i latou le mana e taitai atu ai outou e agai atu i le ola e faavavau i le malo selesitila o le Atua. . . .

Aua ne'i e sasi ai: O lou gafatia e paia. Faatasi ai ma lau sailiga filiga, o le a avatu e le Atua ia te oe nai vaaiga o le tagata e mafai ona e avea ai. (Russell M. Nelson, "Filifiliga mo le Faavavau" [faigalotu i le lalolagi atoa mo le autalavou matutua, 15 Me, 2022], broadcasts.ChurchofJesusChrist.org)